

行約行三步許。卽再料取。務要布種均勻。則苗生稀稠得所。秦晉之間。皆用此法。南方惟種大麥。則點種。其餘粟豆麻小麥之類。亦用漫種。北方多用耬種。其法甚備。齊民要術云。凡種欲牛遲緩行。種人令促步。以足躡隴底。欲土實。種易生也。今人製造砵車。隨耬種子後。循隴碾過。使根土相著。功力甚速。而當瓠種者。竅瓠貯種。隨行隨種。務使均勻。犁隨掩過。覆土既深。雖暴雨不至。搯撻暑夏最爲耐旱。且便於撮鋤。今燕趙間多用之。區種之法。凡山陵近邑高危傾坂及邱城上。皆可爲區。田糞種水澆。備旱災也。

農政全書凡種子。皆宜淘去浮者。穀浮者秕。果浮者油也。欽定授時通考 卷三十四 功作 播種 三

### 各種種法

#### 水稻

汜勝之書種稻。區不欲大。大則水深淺不適。冬至後一百一十日可種稻。稻地美。用種畝四升。

四民月令三月可種粳稻。美田欲稀。薄田欲稠。五月可別種及藍。盡夏至後二十日止。

齊民要術稻三月種者爲上時。四月上旬爲中時。中旬

爲下時。地旣熟。淨淘種子。

浮者去之。秋則生稗。

漬經三宿。漉出內

草箒裏之。復經三宿。芽生長二分。一畝三升。擲三日之內。令人驅鳥。